



ATASSUT INATSIARTUNI

7. marts 2014

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppagut:

Kigutit nakorsai pillugit Naalackersuisunut apeqqutit

(Inatsisartuni ilaasortat Knud Kristiansen aamma Gerhardt Petersen, ATASSUT)

Tunngavilersuut:

Nunatsinni kigutit nakorsaat nunaqavissut amigaatigilluinnakkatta ilagilluinnarpaat, amigaatigineqarnerisalu kingunerisaanik paarlattaasartut akisoqisut Peqqinnissaqarfiup atortariaqartarpai.

ATASSUT-mit paasiuminaatsitatsinnik ilisimalerparput kigutit nakorsai naammasserlaat nunatsinni, pingaartumik Nuummi, atorfininniaraluarlutik qinnuteqaateqartartut ilaatigut sulisinnaatitaanermut allagartaqannginnerat (autorisation) pissutigalugu itigartinneqartarsimasut.

Kinaluunniit ilinniareerluni naammasserlaaq sulisinnaatitaanermut allagartaqalersinnaanngilaq sulinermik misilittagaqanngikkuni, taamaammatt kigutit nakorsaasa naammasserlaat nunatsinni sulilersinnaanissaminnut periarfissaannut pissutaatinneqartoq taanna atorfinitsitsinnginnissamut utoqqatsissutaasariaqanngitsoq ATASSUT-mit isumaqarpugut.

Tamatuma saniatigut naalackersuineramik suliaqartuusugut tamatta inuusuttortavut kajumissaartuarpavut ilinniagaqaqqullugit atorfissaqarteqigatsigit, suliassaqarfinilu inuiaqatigiinnut pigaaruteqarluinnartuni ilinniartut suli naammassinnginnerini nunatsinnut angerlaqqinnissaat siunertaralugu pilerisaarisarnianguarluta atorfissaqartinneqanngitsutut misigisimatittassagutsigit, pingaartumik nakorsat kigutillu nakorsaat amigaatigeqisagut matussusiisinnaasumik pigilersinnaanavianngilagut.



ATASSUT INATSIARTUNI

Taamatut tunngavilersuuteqarluta kigutit nakorsaatur ilinniartut aammalu naammasserlaat innersuussutigalugit makku apeqqutit Naalakkersuisunit akineqassasut kissaatigaarput:

- 1) Nunatsinni kigutit nakorsaat aalajangersimasumik atorfillit ullumikkut qanoq amigaatigineqartigippat?
- 2) Sumiiffinni assigiinngitsuni kigutit nakorsaannik amigaateqarneq qanoq inissisimava?
- 3) Kigutit nakorsaattut ilinniartut nunatsinneersut qassiuppat?
- 4) Kigutit nakorsaat ilinniareerneramik kingorna nunatsinnut angerlarlutik sulilernissaminnut periarfissaat qanoq annertutigippat?
- 5) Ilisimaneqartutut kigutit nakorsaattut nakorsatullu ilinniarnertit ilinniarneq tamaat sukumiisumik ingerlanneqartariaqartarput, oqaatigineqarsinnaavorlu taakku ilinniarnermik saniatigut isertitaqalaarumallutik suliffeqarnissaminnut periarfissaqarnerat ilinniartunut allanut sanilliullugu annikinneersuusarpoq, tamatumalu malitsigisaanik ilinniarnermusiat tamatumalu saniatigut ilinniartunut taarsigassarsiaritinneqartartut saniatigut aningaaserivinnut erniakkaaqsiumik taarsigassarsiniartariaqartarput, naammasserlaajullutik aningaasatigut artorsarnerannik kinguneqarajuttumik. Naalakkersuisut piunassuseqarsinnaanerlutik ilinniartut saniatigut isertitaqalaarsinnaanissaminnut periarfissaqanngitsut aningaasatigut ilinniartoqatiminnit ajornerunngitsumik inissisimanissaat qulakkeerniarlugu iliuuseqarnissaminnut?
- 6) Kigutit nakorsaattut naammasserlaat nunatsinnut angerlarnissaannut tikilluaqqusisarneq qanoq pitsaanerulersinneqassanersoq Naalakkersuisut tikkuussisinnaappat?
- 7) Kigutit nakorsaannut tunngatillugu allanik Naalakkersuisut ilisimatitsissuteqarusuppat?

Taakkuupput apeqqutit akissutissarserusutagut, naatsorsuutigarpullu ullut suliffiusut qulit qaangiutsinnagit akineqareersimassalluta.